

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 981146 22 I
Sarajevo, 14.08.2025. godine

Općinski sud u Sarajevu, sudija Pejčinović Mirna, u pravnoj stvari tražioca izvršenja ZiraatBank BH dd, Sarajevo, Ul. Zmaja od Bosne 47c, protiv izvršenika A.Č. iz Sarajeva, koju zastupa punomoćnik Karović Lejla, advokat iz Sarajeva, radi izvršenja prodajom nepokretnosti, vsp. 1.951.006,65KM, van ročišta dana 14.8.2025.godine donio je

Z A K L J U Č A K

Određuje se drugo ročište za prodaju nepokretnosti koje su vlasništvo izvršenika sa dijelom 1/1, na adresi Ljubljanska do broja 24, upisane u ZK broj 1319 K.O. Novo Sarajevo na parceli k.č. 805/2 u naravi kuća i zgrada površine 245m² čija vrijednost iznosi 627.957,00KM, te nepokretnosti upisane u ZK ul. broj 1461 K.O. SP_Sarajevo-Mahala CXXXV na parceli 2422 u naravi kućište, dvorište, porodična stambena zgrada sagrađena na parceli broj k.č. 2422 čija vrijednost iznosi 707.730,00KM i to usmenim javnim nadmetanjem

za dan **UTORAK, 7.10.2025. godine u 10,00 sati.**

Usmeno javno nadmetanje za prodaju ove nepokretnosti održaće se u zgradi Općinskog suda u Sarajevu ul. Šenoina br. 1, soba 404/IV.

2.Na nekretninama iz tačke jedan ovog zaključka uknjižena je hipoteka u korist ZiraatBank BH dd Sarajevo.

3.Na drugom ročištu nepokretnosti ne mogu biti prodate za manje od jedne trećine vrijednosti utvrđene zaključkom o prodaji. Ako nepokretnost ne bude prodana ni na drugom ročištu sud će u roku od najmanje 15 do najviše 30 dana zakazati treće ročište na kojem nepokretnost može biti prodana bez ograničenja najniže cijene u odnosu na utvrđenu vrijednost.

4.Kupac je dužan položiti cijenu u roku od 15 dana od dana prodaje.

Poreze i takse u vezi ove prodaje snosi kupac nepokretnosti.

5.U javnom nadmetanju iz tačke I ovog zaključka kao kupci mogu učestvovati samo lica koja su prethodno dala osiguranje. Osiguranje iznosi 1/10 utvrđene vrijednosti nepokretnosti odnosno u konkretnom slučaju 10.000,00KM. Osobe koje sudjeluju u javnom nadmetanju dužne su prije početka ročišta sudu predati uplatnicu iz koje je vidljivo da je osiguranje položeno. Osiguranje se polaže na račun Općinskog suda u Sarajevu za depozite i ostalo koji se vodi kod BBI BANKE broj 1 4 1 1 9 6 5 3 2 0 0 0 9 6 3 9 sa naznakom broja predmeta. Ponuđačima čija ponuda nije prihvaćena, osim za tri najbolja ponuđača, vratiće se osiguranje odmah nakon zaključenja javnog nadmetanja. Osiguranje u ovoj izvršnoj stvari nije dužan dati tražilac izvršenja na čiji je prijedlog određeno izvršenje.

6.Ovaj zaključak objaviće se na oglasnoj tabli ovog suda a tražilac izvršenja može o svom trošku objaviti zaključak o prodaji u sredstvima javnog informiranja odnosno o zaključku obavijestiti lica koja se bave posredovanjem u prodaji nepokretnosti.

S U D I J A
Pejčinović Mirna

POUKA: Protiv ovog zaključka nije dozvoljen pravni lijek.